

Ny Valosoa sy hadihady

Tsy an-drenivohitra, tsy ambanivolo Miaina anaty horohoro ny Malagasy

Ny tahotra no lehibe indrindra ho an'ireo filo-ham-panjakana mpisolo toerana, ka hanetsika « mpitandro ny filaminana » enina arivo amin'ny sabotsy 16 desambra 2023, andro hanaovan'i Andry Rajoelina fianianana. Hitombo roa arivo izany raha ampitahaina amin'ny mpiambina ny Kianjan'ny 13 Mey nandritra ny Hetsika Fotsy, nialohan'ny fifidianana, izay naharesy lahatra olompirenena maro nandà ny naneken'ny Fitsarana Avo momba ny Lalamporenana ny nahe kandidà an'i Andry Nirina Rajoelina izay vazaha frantsay. Raha ny zava-misy anefa dia tsy misy mieritriritra ny hanakorontana ny lanonana fianiana izany, fa omaly 13 desambra sy androany 14 desambra no niantsoan'ny raiamandreny ara-drazana izay Malagasy te-hampandroso marina ity Firenena hikaon-doha hanoritra ny lalan-kizorana ho amin'izany. Raha nokasaina natao teny amin'ny Live Hotel 67 Ha izany kanefa nafindran'ny prefektioran'ny tanan'an'Antananarivo ho eny amin'ny Foiben'ny Fikambanan'ny Mpiara-mamaky Baiboly, Mandriambo. Ny tsy mbola mazava aloha raha mia-radia amin'ireo raiamandreny ara-drazana avy amin'ny Faritany enina nanao fanambarana, fa tsy manaiky an'i Andry Nirina Rajoelina ho filoan'ny Re-poblika amin'ny maha vazaha frantsay azy ireto manao fikaonan-doha ireto. Laraha mahatadidy ny nakanan'ny Pefektiora ny Vondron'ny kandidà nikasa nanao fivoriana tao amin'ny Espace iray teny Andoharanofotsy kanefa tsy teto an-drenivohitra izany. Etsy an-kilany dia miaina ao anatin'ny horohoro ny Malagasy, tsy an-tanàndehibe ihany fa hatrany ambanivohitra rehetra any noho ny tsy fandriampahale-mana. Ny tena mampihorin-koditra dia ny fakana an-keriny sy fanapahan-doha ataon'ny dahalo izay tsy hitan'ny mpiaro ny vahoaka sy ny fananany izay atao. Fantatra fa na misy aza zandarimaria any ambanivohitra any dia tsy ampy olona sy fitaovana ka

na misy aza ny vaovao milaza fa lavon'ny mpitandro ny filaminana ny jiolahy dia toy ny rano indray mitete ao an-dranomasina ireny. Ny mahavariana anefa dia enina arivo no hetsehina amin'ny asabotsy eto an-drenivohitra hiarovana olona iray kanefa tsy raharahan'ny fitondrana ireo vahoaka tsy matory an-trano intsony any amin'ny zato kilometatra mahery kely avy eto noho ny fanafihana tsy misy fihafarany ataon'ny dahalo. Kianja sy olona iray no arovana miaramila amina arivony miaraka amin'ny fitaovam-piadiana mahery vaika sy fiara mifono vy. Midika izany fa manompo vazaha mpanjanaka ny foloalindahy eto Madagasikara ary tsy miraharaha izay manjoa ny Malagasy ary tsy vitan'izany fa toy ireo senegaly tamin'ny taona 1947 nitifitra ireo tia tanindrazana niady ho amin'ny fahaleovantena. Tsy manaiky izany ny olompirenena Malagasy kanefa miandry amim-pahendrena sy amim-pahamalinana ny fotoana mety hanilihana ny mpanjanaka ka nanangana "cellule de crise". Heverina fa kendan'ny vomanga nasesiky ny tànany izao fitondrana izao satria raha mijery ireo vahoaka milahatra eny amin'ny Arena, foibe TGV, mitaky ny vola nampanantenaina azy talohan'ny fidelianana dia mety izy ireo no hitroatra noho ny fahadoam-panantenana miteraka fahatezerana amin'ny fampivezezena azy isan'andro kanefa dia mody maina. Raha mihevitra izao fitondrana izao fa tena eo am-pelatanany tokoa ny hery sy ny fahefana dia nandefa ny mapiro azy nandrava ireo olona mitomandavana eny amin'ny Arena ireo izy. Tsy maintsy ao an-tsain'izao fitondrana izao mandrakariva anefa fa ny vahoaka no mampindrana ny fahefana ary izy ihany no manaisotra izany raha heveriny fa manohin-tohina ny fiandrianam-pirenena sy ny hasin'ny Tanindrazana ny nampindraminy izany fahefana izany.

Andry Tsiavalona

Prefet an'Antananarivo Handray fepetra amin'ireo mpanakorontana hono

Tsy eken'ny maro ny vazaha taratasy Andry Rajoelina hitondra ny firenena indray, noho izay antony izay, matahotra korontana mafy ny fitondrana mpisolo toerana amin'izao fotoana izao. Manoloana ny feo miely tsy faneke ny hanaovana ny fianianan'i Andry Rajoelina amin'ny sabotsy 16 Desambra izao, nilaza ny Jeneraly Angelo RAVELONARIVO Prefet an'Antananarivo, fa handray fepetra amin'ireo mitady hanakorontana hono. Rehefa tsy hanaiky ny fianianan'i Andry RAJOELINA hoy izy dia aoka hotazonina any aminao any izany ftsy entina ety ivelany. Nambarany fa ho mafy ny fepe-tra horaisina ho an'ireo hanakorontana. Notsidriny ihany koa ny hamafisina ny fiambenana ireo toerana saro-pady toy ny tobin-tsolika sy ny tohadrano any Tsiazompaniry. Isan'ny ho ambenana koa araky ny nambarany ny TVM sy ny RNM. Tsy misy hahatana herim-bahoaka izany rehefa mitroatra, na herim-pamo-retana toy ny inona aza. Madagasikara ho an'ny Malagasy, fa tsy hoentim-bazaha taratasy hoy ny fitarainan'ny maro amin'izao fotoana. Tsy maintsy hisy farany ny zava-drehetra hoy izy ireo.

Stefan



Ny Prefet an'Antananarivo.

DEPIOTE FETRA BORIBORITANY FAHA-5

Ny 19 desambra ho avy izao no hivoaka ny didim-pitsarana

Niakatra teny amin'ny Fit-sarana Anosy ny talata teo ny raharaha depio-te Fetra Ralambozafimbololona, depio-te avy amin'ny Boriboritany faha-5, filohan'ny vondrona parlementera Tiako i Madagasikara (TIM). Nandritra ny hetsika fotsy na-taon'ireo vondron'ny kandidà 11 teny Mahamasina no nisamboran'ny herimpamoretana azy tamin-kery, notazonina andro maromaro teny amin'ny zandary Fiadanana izy avy eo, ary afaka nody niandry ny fotoam-pitsarana. Ny 19 desambra ho avy izao vao hivoaka ny didim-pitsarana nanenje-hana ity solombavamba-hoaka TIM ity. Namafisin'i Me Hubert Raharison, mpisoloava ity depio-te, fa tsy azo atao ny manenjika sy misambotra ireo parlementera raha tsy mahazo alalana amin'hy birao maharitra. Nitarika olona hidina an-



Ny depio-te Fetra Ralambozafimbololona (afovoany) ny talata teo, tetsy amin'ny Tribonaly Anosy.

dalam-be nandritra ireny hetsiky ny vondron'ny kandidà ireny no antony

niampangana azy, fiam-pagana izay tsy mitom-bina fa fampihorohoroana

sy antsojay no tena antony.

Niaina

TONONKALO

NY HEVITRY NY HOE FANAKORONTANANA

Efa tena niova dika ny hoe « fanakorontana »

Ho an'ireo bebasy donto tsy dia ampy fiofanana ,

Fa izay mihetsika rehetra na ny lalitra na pirina

Dia tadiaviny hogadraina na kendreny hotifirina !

Tsisy intsony ny lalàna fa izay tiany no ampiharina,

Ary dia miharihary fa voatototra ny marina.

Ireo izay manana ny heriny sy fitaovam-piadiany

No hany tokana mibhana ary dia manao izay tiany !

Efa tena niova dika ny foe « fanakorontana »

Ho an'ireo antokon'olona « mpanao V amin'ny tanana ».

Izay manohitra ny ataony ka miteny manakiana,

Dia tadiaviny hampiasana heriseta sy habibiana !

...Ka ny hoe « mpanakorontana » dia efa tena abaribariny

F'ireo rehetra izay manohitra ny ataon-dry baomba sy ny tariny.

N'iza n'iza te hihetsika dia engehiny daholo,

Fa izay ilay fanjakan'ny olona mpanao bontolo !